



Nafar Kronika

Pello Goñi

Fikzioak

FRANCISCO RABALEK FLAMENKOA dantzatzen ikasi behar izan omen zuen atzerrian espainarra zela sinistarazteko. Ezin baitzuten imajinatu flamenkoa dantzatzen ez zekien espainiarrik. Salma Hayek aktore mexikarrak duela bost urte ez zekien ingelesez. Los Angelesera lan bila joan eta orain Hollywoodeko izar bihurtu da. Duela gutxi irakurri nuen badagoela latinzaileen talde bat hitz modernoak hizkuntza zahar eta eder horretara bihurtzen ari dena eta latinez mintzatzeko topaguneak antolatzen dituen. Arabiarrek, tokian tokiko arabieraz landara, badute arabiera klasikoa herri desberdinetako arabiarrek elkarren artean uler dezaten. Judutarrak, berriz, munduan zehar barreiatuak ibili dira hainbat mendez, haiekin hebraiera eramanik, nahiz eta bizirik irauteko beste hizkuntzak ikasi behar izan dituzten. Espainian ere badira kontraesan nabariak. Zenbat hitz erabiltzen ditu gaur egun batez beste espainiar gazte batek? eta erabiltzen dituen hitz horietatik zenbat dira ingelesezetik hartuak? Fikzioak al dira arestian azaldutako egoerak? Baliteke. Nafarroa honetan euskarari eusteagatik fikzioan bizitzea leporatzen zaigunok -batzuk, bederen, generalizatzea gero eta gutxiago gustatzen baitzait- fikzio horretan segitu nahi dugu, ez inor izorratzeagatik, baizik eta geure fikzioan gusturago bizi garelako. Nik ez dut deus beren arrazoia denok adoratu behar dugun jainko bihurtu nahi dutenen aurka. Baina jakin bezate gure bihotzean badirela arrazoiak arrazoiak berak ulertzen ez dituenak.

KONTZERTUAK

► Iruñea:

Flamenko emanaldia izanen da datorren ostegunean Gayarre antzokian. Esperanza Fernandez kantari ariko da eta Salvador Gutierrez gitarra jotzen. Emanaldia 20:00etan izanen da.

► Aitzain:

Artsaia Mama Ladilla taldeak kontzertua eskainiko du bihar 24:00etan.

ERAKUSKETAK

► Altsasu:

Plazaolako Partzuergo Turistikoaren Gure herria, gure kirola herri kirolaren inguruko erakusketa ibiltaria Gure Etxea kultur etxean dago ikusgai otsailaren 28a arte. Astelehenetik larunbatera 19:30etatik 21:30ak arte ikus daiteke, eta igandeetan, berriz, 12:30etatik 14:30ak arte.

► Atarrabia:

Jubilatuen Elkartean Txotxongintza: artelana erakusketa ikusteko aukera dago hilaren 14a arte. Erakusketan Corrado Masacci italiarrak bildutako txotxongiloak eta hainbat herrialdeko kareak bildu ditu: Bali, Nepal eta Birmaniakoak, kasu.

► Tafalla:

Lagar erakusketa aretoan Iberdrolak eta Kultur Etxeak antolatutako Fosilak eta mineralak erakusketa ikus daiteke hilaren 24a arte.

ZINEMA

► Iruñea:

Karrikiri Elkartek antolatuta, zinema euskaraz Golem zinematokian. Gaur Errebelde baten egunkaria pelikula eskainiko dute 20:00etan. Aurretik 4. galeriatik film laburra eskainiko da.

BERTSOLARIAK

► Ituren:

Inauteri festen amaieran bertso bazkaria izanen da bihar, eta arratsaldean ere izanen da saiorik. Amuriza eta Peña garikano ariko dira.

► Arantz:

Goiz eta arratsaldean, inauteri festa dela eta, bertsoan ariko dira etzi J. Soroazabal eta Iñaki Murua.

► Arano:

Bertso afaria eginen dute etzi

inauteri festak ospatzeko. Bertso kantari ariko dira J. Soroazabal eta M. Lujanbio.

BESTELAKOAK

► Iruñea:

Miluze euskaltegiak euskara ikasteko ikastaroak antolatu ditu otsailetik ekainera bitartean. Matrikula epea astelehenean zabalduko da eta hilaren 11 arte iraunen du. Informazio gehiago: 948-177670/54 telefonoetara.

► Elizondo:

Goma-aparrezko moztorro tailerra antolatu du Gazte Asanbladak. Tailerra bihar hasiko da, Baztandarren Biltzarren egoitzan, arratsaldeko 15:30etan. Ikasi nahi duena ager dadila.

► Iruñea:

Ana Mugarrak *Viaje a lomos de una bicicleta por Africa del Oeste* diapositiba emanaldia eskainiko du gaur, 20:00etan, Nafarroako Kirol Elkartearen.

Arestiren liburutegia

Castelao nos



—Decías que eras probe e tiñas unha vaca, ¿eh?

Pobre hintzela eta behi baten jabe haiz, he?